

兩浙輶軒續錄

兩浙輶軒續錄補遺卷四目

劉運坊 應履墀 許柯 沈漢 陶慶麒

蔡任 言九經 吾德沛 仇鼎 潘時敏

汪琨 姚文 李方洽 黃杓 汪之選

沈元錡 金勝 查裔 吳春照 吳葆松

查有初 金超齡 沈步瀛 吳桐 顧景康

王箕 陸鏞 伊可封 沈燮臺 邵澍

沈鈞 孫學詩 房楚桐 葉錫鳳 謝必成

李巽占 孫琦 岑振祖 邢司直 金安

李汝皋 應壽椿 王遐年 吳鼎 王崇本

孫熙元 王楨 沈禮因 皮式 范崇階

徐時 屠鈞 洪同元 李世楷 金楷

周官 朱蓉 許樹穀 吳霖 倪心田

岳鴻慶 張金階 卜光裕 孫康濟 王策

姚楨 吳鵬 王峻明 張元吉 蔡熾昌

盧灃 葉愚 景雲 施以梧 周書

丁炳輝 陳為霖 趙煥文 何蜚儀 夏呈圖

徐受荃 方廷瑚 林培厚 裕貴 沈德軫

羅耆勳 樓金 屠彝 沈志香 孫輔元

景謙 孫儀 周光緯 徐鼐 沈維樹

朱轍之 徐臻 葛嵩 樊鍾岳 汪應鈴

胡文蔚 劉夢熊 張誥 胡駿烈 吳英

盧雲飛 趙鏞 鄔熊卜 王起霞 鮑成宗

兩浙輶軒續錄補遺卷四

督學使者潘行桐訂

劉運坊

字左春號午橋定海增生嘉慶丙辰舉孝廉方正著詩游吟稿

陸鍾燮曰徵君事繼母周能養志家貧仰給硯田取與不苟鄉里慕之

題李西巖將軍

長庚

大雪尋梅圖

風雪滿山梅正開歲寒終有出羣材將軍好武兼文事誰寫

當年大樹來

應履輝

字二梅海甯人嘉慶戊午舉人著自得軒詩鈔

自定陽歸謁古芸舅氏欣晤少僊學博卽席賦呈

一自攜家去迢迢夢故鄉宛如新燕子重到舊茆堂滿地落

花影連天春水長相逢有朱老對飲可干觴

許

字木可號柳浦錢塘人嘉慶庚申舉人候選教諭

山城夜雨

遙更斷殘點疏簾暗孤燭山城春尙寒二月花未足何當一
夜雨瀟瀟亂心曲佳人在千里芳草可憐綠披衣坐無眠呼

童薦芳醪

沈

漢

字岑帆歸安人嘉慶庚申舉人著月田贖草

掃花曲

藥宮夜擊催花鼓亂灑燕支作紅雨十二瑤臺鎖冷煙迴風
起作僊僊舞惜花應倩如花人離雲墜雨愁紛紛采翎縛帶
掃香夢演漾曉寒生綠塵春痕添上織眉皺玉人寂寞如花
瘦掃花容易掃愁難秋風處處生紅豆

陶慶麒

號靜園會稽人嘉慶庚申舉人官衢州教授重宴鹿鳴

陶濬宣曰君教授衢州十七年赭寇擾浙窺衢君久於其地諳習形勢與守令共議城守之法撰守城記一卷附祀衢州左文襄公祠

自題守城記後

長繩曾繫紙鴟來雉尾空焚一炬哀東望援軍斷消息吟廚
猶自覓乾苔

痛定閒繙舊日書元戎忠悃幾人如綸巾羽扇風流甚諸葛
英名在草廬

蔡

任

原名王字東海號莘畬又號二雖錢塘人嘉慶辛酉進士官直隸龍門知縣著尚雲齋詩鈔

吳振械傳略莘畬丈少孤貧母氏李教之讀書媿通羣
裁性豪善飲以詞苑改官非其所樂被累至奪職對簿
事白復官旋移窮塞落拓名
場幾三十年卒鬱鬱以歿

贈張水屋刺史

人言水屋有狂名我見猶憐嫵媚生老子風流龍莫測小儒
描畫虎難成形神入妙羣仙醉姿韻橫秋萬馬驚無限蟲沙
塵海裏如公臭味許同清

言九經

號誠齋會稽人嘉慶辛酉舉人著豔雪樓稿三卷

陶濟宣曰君長於詠古標格闊遠不
隨言銓與鷗社諸老同時閒有酬唱

經趙宮人照眉池故址

當年戰壘盡寒煙覽古叢臺總可憐經過照眉池畔路遠山

橫黛益淒然

荆棘銅駝我最諳昔人詩碣怕重探

明嘉靖閒邢鄆令董威修築叢臺剷出金人詩

石二片上有小字云池在臺旁如花宮女憑闌處不及羅敷尙有潭

吾德沛

字霖甫號春農海鹽人嘉慶辛酉拔貢著小滄浪吟稿

秋鶴

天生僂骨本珊珊獨向秋風振羽翰野徑月憐孤影瘦空山
葉打一巢寒蓬萊弱水心猶在縞袂元裳夢未殘不與東坡
發長歎可同和靖結幽歡

仇

鼎字巽來號雪泉錢塘諸生

旅夜聞雁

夜半不成寐高樓聞雁聲嗟余正流落况爾動哀鳴此地無
霜雪天涯有弟兄稻梁何處覓辛苦赴南征

潘時敏

字遜伯號篠煙庭筠子錢塘人著世藻堂遺草

杭郡詩續輯篠煙工詩善畫仙佛嘗續五百羅漢施精
藍中一時盛傳其事書法董香光少隨父都門中年客
江南所至留題然不自珍惜故遺稿多佚
緝雅堂詩話篠煙游西山詩云一路踏紅葉老僧迎下
山乍逢似相識得之圖畫間君能畫佛故有此語風趣
可賞惜傳者甚希

夜泊焦山下聞誦經聲

茲山昔曾游日淺興不足孤舫泊已暮老鸛返林屋勞勞亦
可笑尚未去喧俗江淮多異人且補吳淑錄何來鐘磬聲靜

夜出深竹僧亦不得閒
幾眾為桎梏吾行勦
胡止百年自乘燭

汪

琨

字宜伯號憶蘭錢塘人官四州秀山典史著懷蘭室詩十二卷

緝雅堂詩話憶蘭斷句云自昔明珠窈窕未會倚王似蒹葭風前銀燭向人淚簾下紅鸚鵡比我閒錦瑟年華驚一箭玉璫春恨已三分橫錦散珠自是才語

小青墓

芭籬六枳遠相遮
夢斷長門感歲華
生向林逋分隙地
死依蘇小作鄰家
菴菴豈是傷心草
桃李終成薄命花
千百倉庚不醫妒美人
零落我咨嗟

姚

文

字邗生號幹庭祖同子錢塘人官江蘇江都知縣

蓼城僧寺七松精舍

草草輕裝負一肩
精廬小住當安禪
空階月暗中元雨
高樹

風搖夕照天半壁
鐙昏人中酒五更
秋冷客添絲長淮
見說波平岸徙倚
高樓倍惘然

李方洽

字桐村方港弟仁和人

抗郡詩續輯桐村詩如嬾雲難作雨臥柳自成橋愁多
惟老易貧不累人難客無可戀歸應早貧固何妨別最
難客懷涼喜今宵雨鐙焰
高知來日晴皆有風味

西溪溪上巢

一庵深翠裏竹逕晚來幽
嵐氣逼鐙小藤花縛架柔
夜涼疑有雨山靜不妨秋
也自耽禪悅蕭然雲鶴儔

黃杓

字星橋號玉繩子仁和人

吳振械傳略玉繩嗜畫能究諸家源委家藏名蹟
多為詳其姓氏論其派別著畫載二卷以自悅

乙巳二月十三日同人出北關外桃花方盛有斷碑臥

道旁曰封鯨觀字大尺有咫題款莫辨蓋前明胡制

府宗憲殲倭處也

往迹蕪殘偶一尋
斷碑臥破綠苔陰
遊人不識封鯨觀
門外桃花深又深

汪之選

字月樵仁和人官兩淮餘東場大使著小詩龜集

贈程半人

元聰

不恥緼袍貧
惟耽醉與吟
酒中得真味
詩裏洗塵心
孤鶴有時至
白雲何處尋
桃花與流水
託興自蕭森

九日送二兄補官秦中

四十正強仕
雄心匹馬閒
風雲開華嶽
父老候秦關
官好能爲福
時清肯賦閒
政成應寄慰
西望雁書還

晚晴

一雨洗殘暑
小園花竹幽
殘陽明遠水
涼翠上高樓
風味宜

孤詠人情愛早秋今宵溪上宿清夢約沙鷗

辛未仲春平山堂梅樹下作和吳穀人先生韻

種花人去幾何時江上爭傳第一枝貌比美人還瘦損品如高士最清奇卽看香雪紛紛落卻惱春風故故吹記取歐公堂外路十年與我結深知

沈元錡

字唐亭海甯人官湖北宜都知縣

杭郡詩三輯唐亭爲心齋太守仲子有吏才筮仕宜都地當衝要適教匪蠢動悉力守禦以勞勩卒

冒雨抵白溝河

濺水衝泥三十里又教小駐白溝河遙看斜日銜山落尙有閒雲帶雨過巷轍敢嫌人雜逕庭花且復影婆娑夜闌一事尤清絕比屋曾無挾瑟歌

金

勝

字棟材海甯人官四川布政使司庫大使著傲園詩存

海昌備志勝書法歐柳為時所稱少負
文譽歷試皆擯屈於貧郎人咸惜之

夏日贈語溪徐臥雲君儒

落魄常為汗漫游寄情禪榻此淹留
數聲梵語銷塵慮一片松風伴客愁
得喪到頭同塞馬去來何必異沙鷗
知君不逐煙霞侶心迹渾如不繫舟

查

喬

原名奕慶字豐五
號蔚湖海甯諸生

家傳略君壯歲沈酣典籍晚放浪于山水間所
著詩文亦以傲岸自喜尤工駢體風格自上

雜詩

淑氣回黍谷日色麗晴川修竹鳴幽鳥斗室心悠然默坐觀
物化飛躍理著宣俯仰澹冲懷空瓢樹杪懸呼童拾松片酌
水煮澄泉妙蘊靜可參巖雲時吐妍啟關林際步溪水相迴
沿橫琴坐磐石逸韻空中傳榮枯安吾素造物詎有權世途

易失身出入尙慎旃

閉門合車轍軌度本自同平明赴程途輪蹄各西東九仞虧
一簣前勞徒成空千里能積累跛隨亦見功學貴端所向質
何殊聖蒙脩名苦不立感慨結心胸詩書足溫飽境遇安塞
通奮志得乘時萬里駕長風齷齪笑燕雀安能識冥鴻

山行雜詩

濃雲紛團絮水色浸澗扉風定藤花落翠溼山僧衣蠟屐客
愁雨投林鳥知機一簾篆香霧葉大梔子肥松風足茶話析
理塵頻揮局經棋劫換不知人世非馨味觸鼻觀一雨巖桂
馥童劂黃精去攜鏡入翠微

吳春照

字子撰號遲卿海甯諸生

海昌備志春照作文蕭疏淡蕩如其爲人旣不得志於
場屋遂縱酒自娛酒後清言時見名理暇則寄情繪事

旁及操琴布算撰書之學兼通岐黃家言尤深於小學
精讐校家藏數千卷丹黃幾遍錢塘汪氏重刊咸淳臨
安志延春照為校勘并校史記漢
書惜未竟其業以豪飲得噎疾卒
吳衡照曰余與子校月課古今體詩取安仁奉母意名
曰閒居小集約子撰借一日詠蜨子撰吟哦竟日僅得
園林幾處非五字才思頓塞久之而後終篇大抵子撰
之詩超脫靈雋多類此善繪事山水花草人物俱工

題馮書巢看山圖

君家花谿住門對花谿山獨隨流水去意與行雲閒余興正
不淺扁舟時往還何當一相訪來話翠微閒

蜨

遠尋芳草去輕拂繡簾飛花柳平生夢園林幾處非慵棲經
宿雨亂舞帶斜暉留得青陵在香魂杳未歸

吳葆松

字荅鹿號六
琴海齋諸生

萬花塘晚步

鹹塘六十里一路野花霏桃柳沿谿密桑麻夾徑肥潮回風
四起山暝鳥孤飛小憩優曇室歸途趁夕暉

查有祜

字再白海甯諸生
著憶刻樓詩藁

陪吳醒園子校兩先生游萬花塘看菊

秋老已如此秋林斜照多風人先客醉旅雁背雲過野圃烘
籬菊寒塘鬻海波疏鐘催日落歸徑起樵歌

金超齡

號鷲峯嘉興人
著鷲峯詩鈔

客中聞秋風憶舍弟

作客頻年酒未醒無眠長待曉鐘鳴秋風偏攪離人恨浮世
誰尋後日名杜甫有詩猶未寄歐陽作賦竟難賡蕭蕭木落
殘鐙裏知汝今宵憶阿兄

沈步瀛

字彙登號雲客嘉興
諸生著擷英軒詩鈔

春初久雨

春雨久不歇春寒猶未回谿風吹酒醒山鳥喚人來空漲一池水言尋何寺梅柴扉終日掩隨意長莓苔

訪懶雲上人

曲徑盤紆客到稀竹梧深處有禪扉綠陰滿院雨初歇清磬一聲雲未歸茗椀風生方丈室鵲鑪香繞苾芻衣我來頓覺塵心靜試向池邊話落暉

吳

桐字生東秀水諸生著亭帚集

盛澤徐貞女詩

生死須臾事貞心爲慨然隱悲夫子逝遽負老人憐異室終同穴重泉得比肩皮金曾翦否香字已爭傳
未嫁黔婁去傷心憐謝公平生荆布質瞬息鏡花空綽楔旌

何日貞銘事可風一時徵禮者不與邴原同

謁陸宣公祠

蒼蒼雲霧渺氛氲寂寞祠堂帶夕曛大厯稱詩輕十子奉天
草制泣三軍倉皇就道悲辭闕讒諂由人敢負君王佐帝師
非溢美我來惟誦大蘇文

舞蛟石歌

長林一夜鳴秋風飢蛟作勢凌秋空欲飛不飛化爲石超羣
舞態何玲瓏逸客騷人結遐想自昔搜奇恣俯仰柳州祠古
卉木深松雪文奇甌揚響煙霧竒窳風雨遭爪痕拏攫懸崖
秋突然怒目出變態直疑頑石能點頭英氣幾年閤寒碧三
丈六尺著靈迹今來徒抱拜石心訪古城隅祇蘚積翹首豪
吟長康篇感此竟隨陵谷遷將毋雷聲一時赫飛騰借勢摩

長天

顧景康

字默庵嘉善增生

吟香閣晚眺

遠岸千峯淡欲無前村煙樹影模糊試開北閣憑闌看絕妙

南宮潑墨圖

冬日漫興

三十年華一擲梭閒尋消遣奈愁何蝸枯敗壁難成篆簾漾
微風欲起波陋室梅開懸磬小荒庭松老落釵多稻梁歲晚
謀生急幾陣衝寒塞雁過

王

貧字貽青一字伊人海鹽人著白雪吟草

宿半潮庵

月上烏已歸山空夜逾靜躋攀苦神疲憩此招提境虛堂悄

無人風簾亂燈影

陸

鏞 號溪山石門人
著息機齋詩稿

村居漫興

萍迹年年寄遠村
朝來遙望日初曛
滿畦桑葉碧連屋
十畝茶花黃到門
客裏思家都入夢
尊前話舊欲銷魂
春光彈指留難住
雙鬢蕭蕭眼未昏

伊可封

字忍齋平湖諸生著忍齋詩鈔

山居圖

傍水新安屋數椽
夕陽斜度小橋邊
山人欲問秋消息
坐待

西風響暮蟬

沈燮臺

號陌西平湖人
著抱山樓吟稿

寒江歸櫂

孤艇溯寒煙江空浪拍天雁衝殘雪去人抱凍雲眠旅況凶
年後鄉愁卒歲前東湖歸計遂那肯讓春先

邵

澍 字子雨平湖人
著修竹廬詩鈔

徐熊飛序略子雨少有才名潛于榮利居家力行善事
遠近稱為長者性喜吟詠好遊佳山水凡西泠吳興太
湖七十二峯及五茸三泖諸勝歲或往遊輒行歌
坐嘯流連忘返故其詩慷慨激昂深得江山之助

行路難

我有利劍名干將寶之不惜千金裝聞君遠遊贈君佩
明月夜拂秋波光山川迢遞路轉絕太行有雪河無梁歸來落花
滿路旁馬蹶亂踏春風香滿堂絲竹清且長歌聲激楚天蒼
涼不見北邙山上貴人家昔時車馬今牛羊

曉行孤山下

參橫天欲明月落眾山靜出郭步長隄寒翠逼人影蒼蒼湖

上山山色與湖併忽聞孤鶴唳想見梅花冷何處曙鐘來
徘徊深省

送吳瘦夫客吳門

高挂征帆破曉煙短亭別思逼殘年梅花驛路香盈樹長笛
清風雪滿船孤夢不離流水外歸雲忽墮亂峯前市中誰識
吹篴客雙鬢飄蓬亦可憐

沈

鈞字鐵山桐鄉諸生著陀羅那室遺藁

桐溪詩述鐵山擅書名出入歐柳閒壯歲飢驅不廢吟詠

曉渡揚子江

湖上月初落鄰船競解維潮聲催別夢帆影亂朝曦岸闊得
山少風輕醒酒遲故園在何處惆悵雁來時

孫學詩

字樸齋桐鄉人

秋夜過雪香書舍賞菊聽琴有作

九日無風雨銜舟過柞溪黃花留倦眼紫蟹擘團臍畫喜

宵讀

夢花出
際書畫

饒無舊日題主人愛嘉客休問醉如泥

坐此一簾月重聽幾曲琴池亭今夕會松石古人心我亦耽

斯癖年來愧賞音試彈履霜操有客正危襟

房楚桐

字琴甫德清貢生
著洛如花館詩藁

秋感

容易卻羅扇蒼茫接舊愁夕陽涼到水殘笛怨當秋江上芙

蓉晚天涯雁鷺稠酒邊無限意未忍看吳鉤

葉錫鳳

號珠淵慈溪人著磨兜堅齋文集八卷珠淵
詩藁四卷風遊草四卷三經心得十六卷

丁亥秋讀書靜觀樓雨中憑眺見遠渚鴻雁呼羣宿偏是

寂歷蕭齋俯碧波滿天風雨奈愁何遙看鴻雁呼羣宿偏是

雲煙深處多魚步水寒空見影花汀秋老幾經過明知寥落
難棲止且喜無人設網羅

謝必成

字玉成號眉巖象山人著眉巖詩藁

采蓮

采采夫渠花打槩入秋浦莫愛蓮花妍要識蓮心苦

李巽占

字申三號梨齋定海諸生

廳志巽占家貧有孝行嘗授徒於外不食主人晚餐歸
蓋其母食番薯不忍獨御梁肉也學官上其優行督學
阮元詢得實予之金曰歸買珍物以博爾母歡江都焦
循作番薯吟紀其事其詞曰母食米兒食薯母心良不
豫母食薯兒食米兒能泣涕海水洶洶浪拍天中有
斯人行獨賢使君與金謝不受無名得此身之咎使君
曰汝勿卻姑買市中珍歸為賢母樂李生叩首納金去
兩眼紛紛淚如雨越數年阮元巡撫浙江舉孝廉方正
題劉孝子行狀

人生髮膚皆親遺臨難豈容私所私半由妻孥多繫戀遂致

至性虧民彝卓哉吾鄉劉孝子事親能得親歡喜五鼎三牲
 未敢邀惟願終身供菽水那知昏夜西鄰災鑿風挾火排闥
 來老父樓居睡正熟欲往從之煙眯目力排祝融達寢所負
 以兩肩裹以褥倉皇就梯梯已燬如魚遊釜出無計計窮頓
 足哀呼天透窗一躍落平地此時天幸全吾親可憐妻子同
 灰塵掘得殘骸不敢哭奉親還復營新屋生平長物無一存
 自賣文章貝酒肉斯事于今五十年奇蹟猶凭父老傳使君
 下車振風教大筆題旌到九泉吁嗟乎世閒豈有人無父我
 獨思君淚如雨

孫

琦 字友韓號春谷
飛子會稽諸生

樂安家誥世大父春谷公幼奉榻齋府君命出嗣曾伯
 祖博巖公其後丁府君憂遵
 制降服然終三年喪不赴試不預燕會事嗣母
 宋太安人亦不異所生子孫皆當遵為家法

述宗譜成謹題

譜學吾何有聊徵世澤長母儀留翠柏

先生祖德紀黃楊事吳先餘杭府君勝國簪纓胄清門翰墨

香自明季院判公登仕籍何當詒燕翼家衙播芬芳

岑振祖字鏡西餘姚諸生著

陶濬宣曰先生世居餘姚上林鄉元高士榜棹山人故

里為山人十六世孫少喜吟詩多識前輩掌故客游江

南最久詩追蹤嘉州脫盡窠臼晚歲歸里與郭先生鶴

徵茹先生葉紀先生榮商先生勤麗王先生衍梅周先生師燕社

諸先生照揚先生榮商先生勤麗王先生衍梅周先生師燕社

香妙香二上人結泊鷗吟社先生祖望王先生琦何先生一

龍山詩集視賀季真秦公緒方雄飛陸放翁場寮夫徐

文長六子以黃太冲毛西河胡稚威陶篁村諸先生泊

越中以詩名者四百二人配祀歲以二月四日天池生

國初蓬萊社繼之雍正間西園社于蘿紋坂吾越自明季

章本成劉世貴劉大申李國梁劉大觀董相劉文蔚商

連商盤諸先生也鷗社自乾嘉迄道光為時最久繼起者亦最多厥後益社言社舉社駁壇踵武羣才輩出餘韻流風迄今未艾先生曾孫應磨亦以詩名

讀先棊峯公詩集有感二首

姚江倡風雅首推菊礪翁繼者為誰氏蒼蒼棊峯百年孕靈氣山人居其中肥遯樂吾道高舉追喬松徵召堅不起長甘落莫終歌詩聊自適寫此磊塊胸十臺懷往古三哀動悲風偶題春睡圖豈與凡響同危公數酬倡宋老還推崇府縣志載公小傳序其詩書宋濂偶和音危素也 真本不可見屢遭兵燹凶祿延十六世令我悲無窮

黎洲曠世知披羅登逸詩秀野草堂選賞音發遐思黃黎洲先生選

姚江逸詩及長洲顧嗣立秀野一一俱諷誦流傳豈盡茲錫草堂元詩選俱登公作數十首

山藏書家過訪公餘時忽觀先人集借錄無斲解校訂煩巨

手故物歸非遲公詩集四卷子見之無錫許氏藏書樓假歸錄出屬東陽葉進士蔡校訂燦爛數

百篇守此更奚疑奕世傳家珍不羨奇書奇大半未曾見繙

釋忘朝飢當時念子孫詩禮家聲遺苟得殊可愧無官不須

悲公元日示姪輩詩云此心但願子孫賢詩禮家聲勿令墜又自感云老成愼苟得童穉羞無官味此詩中

意立志休自欺山人沒世名已足千載垂後起竟如何讀詩

曾噫嘻

盧書船畫山水歌

書船先生交十年胸中邱壑羅萬千偶然落筆頗自愛不肯

輕易塗雲煙舊曾贈我青松障落落勢欲參蒼天玩松未得

好山水荆關想象虛人間先生今冬來雨上宋元名畫載滿

船握手一笑卷軸邊日談畫理空前賢興之所到不可遏我

勿敢請君欣然淡烘濃抹都著意蕭疎渾厚其氣全有書有

筆兼有墨別有天趣相盤旋故鄉廿年不得住勞我應接思
 林泉至藝何必方遠古晉陵近派張古愚名治與錢竹初名喬三家
 鼎峙洵不愧寸縑尺素宜流傳嘉州苦吟無好句以詩酬畫
 慙吾顏天寒萬山正飛雪請呵凍筆開硯田

月下放舟

夜色江邨靜山圍四面幽遠鏡如貼水叢樹漸聞秋不寐鶴
 同警長行月伴愁耐寒蓬底坐語笑有鄰舟

鄭八逸之贈姚江詩存一冊得見先曾伯祖青巖公會

祖寄亭公伯祖春江公諸詩皆先子在日錄呈邵二

雲太史入選感而有作

我家傍栲栳東西峯峙兩詩派盛名聞風雅人共仰二雲先生序言

吾姚詩宋則有孫燭湖高菊圃元則岑栲栳名聞甚盛傳其遺集者久而不失云繼起藉後賢直追

元代上吟詠苦終身沈淪發遐想遺編堆滿前室小僅逾丈
因寄大雅堂長擇資欣賞豈無金石聲更類竹梧響舜水揚
文彩後完聚鄉黨足慰不置思倏忽嗟長往先生復先子札云承示傳家詩
集先賢詩律後進所宜奉為典型重以不置之言先賢詩律後進所宜奉為典型重以不置之著述富一家
輜軒登朗朗先父詩阮芸臺中丞錄補遺所幸淵源長分流慮不廣
小子日披誦用弔吟魂爽

再蹟寺

文章師弟推南宋清節茶山寺當家曾文清公號茶山放翁師事之風雨荒
涼人代隔不應獨祀季長沙

杜鵑樓

長慶詩人本謫仙小蓬萊頂醉芳筵惜無好句人傳出三月
春風問杜鵑

同治庚午年春不主
卷一
五
八十二

過明相國張文忠公字敬舊第

近山如黛水瀼洄相國當年第宅開甬道向堪馳馬過危樓
曾奉賜書來公建寶綸樓藏御札八百七十五道詩文五十二道一朝議禮繁稱合十
載歸田暮景催留得夕陽荒草滿路人指點說三台

邢司直字春德號西塘嶽諸生

春日集文選

繁華及春媚青柳何依依玉容誰得顧佳人竟不歸木石扇
幽闔山水含清暉如何久為別垂涕霑雙扉

心契九秋幹風動萬年枝春榮誰不慕切怛莫我知山桃發
紅萼闌草含碧滋茲物苟難停愁思當告誰

遊子不顧反佳人殊未來我有一樽酒可以喻中懷春物方
駘蕩歧路多徘徊道逢深識士去翦北山萊

有客款柴扉要我以陽春素心正如此與世亦殊倫越禮自
驚眾養德乃入神今行嶮嶮外想見山阿人

風簾入雙燕綺席生浮埃不對芳春酒安知曠土懷南國有
儒生西園游上才要欲追奇趣未若託蓬萊

金

安

字伯虎號竹坪天台
諸生著舒嘯軒詩草

春暮出遊

幽居久未出偶步小橋西芳草綠侵逕好花香滿畦竹環流
水暗雲壓暮山低野鳥催歸也林閒不住曉

李汝皋

字少連太
平貢生

燈花

無事番風次第催含煙吐蕊傍銀臺光浮綠暈晴將雨影對
黃昏落復開解語何曾憑報喜有心應惜易成灰寄言繡閣

諸兒女莫爲飄零妒麝煤

白蓮花

月曉風清水浸天依稀瑤島降嬋娟澹妝窺鏡夜無影小步
凌波秋可憐妃子記曾臨太液若耶遮莫誤湘川虛懷貞白
何人識強抱塵心逐畫船

應壽椿

字菊裳永康人官雲和訓導著安雅齋詩集

一雨

一雨洗煩溽虛齋生夜涼挑鐙意惆悵千古極微茫螢入疏
簾悄蛙鳴亂草忙平生鮮兄弟無夢到池塘

王遐年

字錫齡號鶴溪東陽諸生著鶴溪小草

家傳略鶴溪沖和澹退講周子主靜工夫明性善之旨著有性理注周官補注

須江問來使

我醉眼須江須江如鶴溪爾從故鄉來春壓花枝低鶴溪清
且淪芹萍散鳧鷖荔牆川之東蘿石村之西屋角有古梅恰
恰當幽蹊殘葩應戀枝不遠委溝泥爲告故鄉人栽桑當墾
畦

吳

鼎

字石臣號寶詩錢塘人嘉慶壬戌進士官四川知縣著三味樓詩集

杭郡詩續輯寶詩善飲工詩嘗言凡人爲詩于五音各有合而宮聲爲尤難論頗奇闕

讀留侯世家

鄼侯下獄淮陰死家本韓人願賜留血肉橫飛都不管紫陽
知已在千秋

王崇本

字復又字初庵號驪泉仁和人嘉慶壬戌進士官山西崞縣知縣

杭郡詩續輯驪泉骨韻清道豐于鬢髯把酒清言能傾四座

陳荔峯閣學招同重宿南屏出示雲伯贈詩卽用其韻

兼柬雲伯

晨星落落半銷沈
重宿南屏感舊心
三徑竹封雲滿隴
一龕梅護月當林
雪飛吳苑詩筒到
雨話巴山夜漏深
更憶昔年燕市侶
摩訶池上共披襟

偕荔峯祭小巔上人墓仍用前韻

池上微冰金鯽沈
卅年舊地話初心
難忘白社高僧酒
共蹋蒼煙古樹林
獨秀峯留題字冷
夕陽鐘起度雲深
寒泉一琰梅花下
招得松風滿素襟

孫熙元

字致雍號邵菴仁利人嘉慶甲子舉人官國子監博士

揚振鐫曰仁和孫氏世業縹緲皮藏甚富邵庵尤攻苦無間裘葛手鈔善本幾及千卷彈見洽聞傾倒儕輩兼工倚聲時與吳穀人汪小米諸名士流連觴詠常屐風流不啻神仙中人

西湖柳枝詞

怯寒記取玉關邊南內牙牌句早傳看到六橋煙月外傷心
春色又年年

流水樓鴉暮景含秋風搖落影毵毵秦淮那比西湖好不數
題詩紀阿男

王 楨 字倚吟號獅巖秀水人嘉慶甲子舉人官甘肅甯朔知縣著繁華樓詩彙

家傳略獅巖通籍後一幸甘肅甯朔卓著循聲疾契於官

南旺望宋公祠 公諱禮官工部尚書河南永甯人

轉漕嗟元時運道輒輕棄海人多風濤險阻愈難致前明踵
之行陸運亦兼試所秭俱不支盈廷究誰治鄂鄂宋司空毅
然任其事民聚十萬餘帑傾億萬計汶流期勿東長隄戴村
置三七分鎔銖南北別軒輊眾口驚神奇一水用爲二豈知
奪天功祇在求地利佐者金與周 金諱純後官刑部尚書泗州人周諱長封萊陽伯諡

忠毅天
長人
經濟賴同志抑由白老人諱英疑是蒼水使頗不循舊

規時能出新意畚鍤成大功俎豆協羣議我

朝祀典嚴廟貌鎖清閤舟子指點頻嘖嘖詫其異憑弔動客

懷蓬窗添日記

南唐宮詞

從容七箸霽天顏下殿無端淚獨潛差勝當年人彘慘保甯
宮裏太妃還

一曲新聲入破時聽邀醉舞恨來遲爭禁月冷瑤光殿費盡
鰥夫絕妙詞

念家山破記分明振觸君王感舊情今日流珠須解事琵琶
休奏斷腸聲

香羅衣裏絕纖塵染取金莖露點勻一夜看成天水碧斬新

顏色可憐人

宿寶晉書院拜蘇米二公像

庵中一老顛復顛髻自外來仙乎仙松關靜掩聞剝啄磔磔
驚去幽禽騷詩清韻徹上方馨茶甘味品中冷泉夜潮風起
奏韶樂晴峯黛掃呈嬋娟江山如畫得且住主客一笑真何
緣壁閒片石認遺像座下瓣香思昔年千春遙遙曾樂此此
樂至今猶目前

沈禮因

字禮原號半厓詩李子
舍稽人嘉慶乙丑進士

送徐侯選官山右敬同家大人作

親民儒吏重風雅汝南徐名氏三升著循良六計書政聲環
海渚善氣洽蒲魚驪唱邦人集無因挽德輿

豹文留澤國鴻羽曜邊城重任古爲牧雄州舊隸并攜琴雙

寫遠載石一舟輕欲憶使君面還看鏡水清

爰

式

字輞生錢塘諸生
著滄粟山房彙

張雲璈序略余初未見君詩曾于西溪畫册中見所作
十六絕句心欽遲之今讀才終卷覺涼颯徐引暑氣頓

捐清

才也

緣庵詩話囅生與猶子積堂大令並擅詩名一時有大
小阮之目斷句如寒煙圍水竹晚市周魚鰕晴色弄芳

草夕陽明小樓水流雲自度花落蘚俱香入市已多隸
酒券閉門井少乞花書露氣連江蒸作雨松聲撼壁勁

隨風俱清
麗絕俗

姜夢薌招同人集養拙山房消夏用東坡游李氏園韻

山房面高柳涼陰洗修竹茶瓜招故人結夏聚老屋楚然聞

足音恍若在空谷四座來清風幽敞悅心目高會亦云偶如

以物類族扶頭快酣呼促膝洽衷曲莫辭飲興豪舉杯浮蟻

綠菱郎樂文翰矯矯雲中鶴少年棋檮才萬里期一盛氣誼

投金蘭苔岑契幽獨大雅手扶翰堂構承喬木羣公論辨雄
清泉瀉百斛如聞奏鈞天妙蘊各紛蓄摘毫欽雕龍學步媿
刻鷺窟室如丈室花雨散芬馥空庭雨氣昏深樹涼風撲今
歲坐愁霖行歎魚游陸仰屋憂漏天苦吟筆欲禿誰揮魯陽
戈愁城方高築蒿目勞杞人焦心到范叔東鄰苦乏食如聞
屑榆粥老農再插禾四野吞聲哭耕牛賃城中負租未能贖
長官急民事薰禱徧林麓我無負郭田空撫長劔羈丙丁帖
不靈愁腸徒轉轂險韻鬪未工握管先瑟縮後約何殷勤文
酒託休沐快飲碧筩杯繼燭夜兼卜所期切磋益匪尙酒食

逐

范崇階

字升伯號小湖錢塘諸生著不改樂堂稟

楊振鎬曰小湖先生以鄞人占籍錢塘工吟好飲又善草書性介特自守雖在窮困不以一毫干人少時嘗與

下以車車系金系到 卷四 二 八川三

屠孟昭查梅史及積堂諸人讀書清平山之拂塵墮奚
鐵生王椒畦皆為作圖庭下老樸一本相傳為宋時物
摩抄玩憩各
為詩以紀之

壬戌夏六月十四日趙菊潭 瑛 胡秋白 元景 朱閑泉 壬

孫秋嵐 宗茂 屠琴鳴 倬 及積堂 慶源 拂塵庵雅集

銀潢未西傾倒挂囊駝嶺森巖嵐氣逼深樹黑無影明月如
相尋朗朗出松頂科頭坐其閒人意與山靜潮聲翁齋來破
屋小於艇有客吹鐵笛聲與江湖併高梧近十尋老竹瘦千
挺澹忘遺物我語妙雜醉醒諸君學道人那不惜光景清馨
出疎寮逃禪發深省

清平山晚眺

白馬立城頭青山鬢葉秋西風吹宿草暮色上危樓鳥影隨
雲沒江聲遶郭流南朝遺蹟在極目重關愁

黃泥潭訪查伊璜先生故居

恥逐時流作黨魁，草堂移傍曲江隈。
故人半託緇衣老，國士多從乞食回。
怪石供餘雲欲歛，佛香燒後劫成灰。
紅牙一拍梅花讖，笑煞春銜十錯來。

秋日同游湖上餞別許菊船州牧

乃來

之粵西潘紅茶

庶常

恭辰

汪藕塘孝廉

連

之京師

萬荷花氣繞涼雲，宛轉歌聲水面聞。
山似故人還戀客，我如秋雁怕離羣。
龍城父老迎雙旆，燕市文章冠一軍。
今日西湖新釀好，且拌尊酒到斜曛。

六月十二日爲黃文節公生日，越日同人補祀祠下，卽

用集中彫陂詩韻

公才如水清且泚，奔流一日可千里。
生平正氣炳日星，不悔

承天一篇記我今壽公遶郭行卅里荷花笑相倚祝公雖後
荷花生以花壽公公應喜詩入黔州句吐芒開卷射眼如爛
矢當時歎賞更何人師有坡公翼有李張晁秦亦蘇門彥與
蘇齊名惟公耳舊游倘憶墨妙亭夜半吟魂定來此

秋思

西風撼庭柯怒作老蛟舞葉落愁難掃衣破綫可補補衣須
及時蟋蟀將在戶

徐

時字山雲錢塘諸生

徐樹銘傳略山雲為文敬公六世孫幼而穎異十歲能
文十三歲入郡庠旋置高第充增廣生員囊筆游四方
與賢士大夫交後還湖上就文敬公清風草廬旁築屋
以居與同里沈念農孫闓青汪介眉補梅孤山一時稱
韻事焉

渡江南還

作客飢驅鎮日忙
勞人謀食慣他方
桃花息浪容安枕
梅水連江穩渡航
弱質強支慚閱歷
半生多悞悔文章
頻年離緒伊誰識
隄畔青青柳萬行

屠

鈞字鷺君倬子錢塘人

次韻白巖弟自題山水小景

圩田幾稜界僧衣
風景何如罨畫谿
閒凭水窗無客到
竹雞嗁罷午雞啼

鳴榔聲裏語尋煙
菱蕩蘆倚夾蒔田
潦水拍天耕不得
烏犍閒臥夕陽邊

洪同元

字貞甫仁利廩生候選訓導著頤齋詩鈔十卷

孫樹禮曰貞甫先生早年失怙母氏金食貧苦節先生倍極孝養艱劬學平生究心經史性安澹泊晚年問望益章四方名士爭出其門日與諸生闡發性理兼及經世之學經其指授多成佳士著有說文拾遺十五卷

承業堂文集四卷

幽居

半園幽菊半園蔬遣興詩成手自書閒看兒童學垂釣秋風

脫葉滿庭除

園竹

此君瀟灑脫塵囂左右陰濃暑漸消不儘高枝標勁節看他

後起盡干霄

李世楷字白華號素侯仁

杭郡詩續輯白華讀書喜徵故實嘗著鄰架撼餘錄搜奇抉隱借未成書旋以羸憊成疾嘗有句云嘔殘長吉血瘦盡隱侯腰蓋紀實也

題汪劒秋花幻圖

君不聞惜花御史司羣芳又不聞風流太守記洛陽其餘

事傳吳越喚作花精更狂絕亦有人呼花太醫蘇老當年擅
奇術胡爲未洗儒生酸錦繡叢中作寒乞不吹吳市簫不和
栗里詩不買泉州餅不分蜀地絲不拓阿難眾香盞不唱鄭
子蓮花詞但願一生花裏活偎紅倚翠樂不支笑君本非窮
措大也效貧兒弄狡獪播開幻出錦洞天杖底挑來驚世界
是誰圖向尺幅箋寫寒乞相神宛然生香活色都占盡不怕
園丁催算錢吾家太白性嗜酒多情曾共狂偷友君今情勝
桃花潭乞君之餘君許否

秋曉

殘月入小樓幽夢客初醒披襟起開窗消受此清景吟蟲寂
無聲坐久塵事屏籬外牽牛花隔簾寫疎影

金

楷

字以莊號露香友自孫濤
子仁和人著聽松樓詩集

吳振械曰：露香家世業醫，與弟楹並稱聖手。母病垂危，刲股以療，同里孫元培為之作傳。

贈張文魚徵君 燕昌

金粟山中叟，蕭閒結古懽。書披秦火脆，篆補禹碑殘。團扇爭看畫，朱絃不廢彈。劇憐米家艇，飄泊水雲寒。

游資聖寺

隔谿嘒鳥導游人，叢綠陰中一徑分。幢影靜移花外日，磬聲徐墮水邊雲。青山如此昔賢往，寺為晉右將軍戴威故宅。明王文成公讀書處。壞塔何年劫火焚。小憩簷林繙貝葉，妙香消受逆風聞。

周官 字夢溪，號渭漁，仁相歲貢。

楊振鐫曰：夢溪先生有書名，其學窠穴字徑數尺，尤縱逸奇恣，如孤松之挺，柯老鶴之舒翅。

夜坐

起坐山窗夜色冥，餘寒猶倚一鐙青。過雲雨急響疑瀑，出樹

螢孤光亂星貧賤少閒詩有憤衰殘多感酒無靈茫茫身世
知何似爲蝶爲周夢未醒

朱

蓉

字筠坡海甯廩貢著琴詠居集

抗郡詩三驛筠坡敦品積學嘉慶丙辰薦舉孝廉方正不就年七十二及學者私謚介節先生
久不得豫兒音問擬寄

半載稀音信三年滯泰安祇緣生計拙不放客懷寬學富成
名易才疏入世難離居無善狀及早整歸鞍

許樹穀

字嘉禾海甯諸生著箕山詩鈔

海昌備志嘉禾工詩早世

連宵風雨不能成寐有感而賦

風雨淒涼屋數椽瀟瀟長自攪愁眠壯心未肯因人熱傲骨

何曾受俗憐顛顛沉聞新白髮

家大人寄示泊舟高郵作有父書星已散子髮雪初飄之

句 生涯空守舊青氈不知旅館孤鐙夕多少離情到枕邊

自知居止太疏慵偃蹇聊揮麈尾松伯樂何曾嫌瘦馬葉公未必好真龍因人碌碌知無益對此茫茫孰適從慨歎中宵

綠底事人情雲雨九疑峯

吳

霖 字西臺海甯附貢替拙巢詩稿

家傳略西臺弱冠銳意向學挈仲弟介如負笈從師爲錢塘桑波甫胡又乾同邑高柱峯祝胎孫鍾千仞苦囊諸先生所器重介如早世乃絕意進取才識明練處事務存大體與人交和易謹約至於義理所關則持論慷慨不避也

辛丑歲杪將赴桃溪留示諸子

年衰耽養拙歲晚忍言別俯視乏遺謀掀髯冒冰雪稚子牽我衣涕泗聲嗚咽爾亦具人心能不中腸結東家編絕韋西鄰硯穿鐵見賢不思齊愚賤從茲決軒窗足文史兄弟堪磨

切若曹其勉旃逮今勤誦說

倪心田

字子度號潛齋海甯人著石竹亭集

許莊祥曰潛齋先生嗜吟詠性放曠日與陳霞莊買醉壚頭白眼玩世初為童子師繼乃賣藥市中有時晨炊煙斷飢腸轉轉手一編自若也

歿後宋榷索其遺詩校存一卷

寄訊樽里表兄近況
殘秋一葉到巖阿屈指分攜七月過瘧鬼愛才成老伴達人知命且高歌漫嫌舊雨音書少倘念貧交感慨多我已鬢毛無可白不知君病更如何

新正雜詩

午雞曉罷未朝食曲尺眠牀布被寒分付癡兒休閉戶諒無人解問袁安

禦寒無術不知愁未用青錢掛杖頭幸有祭詩餘酒在滿山

殘雪且登樓

岳鴻慶

字餘三嘉興人
著寶爵堂集

于源曰餘三為忠武王裔倦翁二十二世孫能詩亦工
刻竹倦翁銅爵向藏金鄂巖北部處送入西湖祠廟近
歸金陀故餘三所
著名寶爵堂集

題王硯農徵士所藏忠武王玉印歌

金牌疾召歸旌旗風波冤獄三字疑長城自壤玉甌碎半壁
莫撐神鼎移維王精忠天地鑒維王姓氏華夷知浩然正氣
互萬古迄今寸璧猶留遺想當朱仙出師日羽書四海風雲
馳芝泥鈴尾絳雪爛此印亦足威邊陲殊慙未闞錫圭瓚偉
績幾見銘鐘彝紫綬金章既煙化虎符龍節成冰撕惟此一
紐塵不蝕電光奕奕蟠蛟螭非徒品德比縝密更想文采揚
陸離大名不朽玉不毀誰歟好古能得之徵君博雅善鑒別

愛搜金石羅珍奇一朝此印快入手鄭重徧乞同人詩我情
數典忘厥祖陸機述德無文辭幸從行篋得瞻玩摩抄手澤
增嗟咨思陵御札在貞石倦翁銅爵留崇祠河山其賴神物
守弓冶願忝孫謀貽王之精爽實憑藉應並青史常昭垂松
窗供奉雷雨怒夜深恐有蛟龍窺

張金階

字瀛鄉嘉興人
著愛吾廬詩集

家傳略瀛鄉有孝行
工書畫尤耽吟咏

暮春

東郊芳事歇春又別園林數點社公雨無絃陶令琴壓檐新
綠滿堆徑落紅深何處還餘賞幽窗聽晚禽

卜光裕

字補莊秀水諸
生著補莊詩鈔

家傳略補莊少負才喜讀書專力
于詩古文詞獨抒性靈不事雕飾

閒居

桑柘閑閑五畝居半為城市半村墟能忘世味真成我不為
功名始讀書身似海鷗同泛泛心如莊蝶任蘧蘧日長春靜
蓬門閑臥看谿雲自卷舒

孫康濟

字瞻民嘉善諸生著續魏塘竹枝詞百首

魏塘竹枝詞

楓涇東去柳河頭白荻黃蘆兩岸秋拾得蚺蜍風味美紅鑽

小市酒新麴

石磯西畔繫漁舟喚渡無人水自流偶向菖蒲涇上過桔槔

磬裏穩眠鷗

王

策

字筠谷海鹽武生著巴人小曲

家傳畧筠谷好遊經過江山勝處必有吟詠所作草鞵詩藝林傳誦呼為王草鞵

草鞵

東芻遙翦水雲寒不借編成兩兩看懶託豪門陪赤鳥慣從
野叟狎黃冠板橋秋曉霜初滑泥路春深雨乍乾卻趁老僧
腰腳健一肩行李陟平巒

丹徒道中

鄉夢斷雞聲征颿催客程懷人詩嬾和入世酒添醒殘月奔
牛鎮縣花呂子城無多京口路一笑大江橫

姚

楨

原名前鑿字半颿平湖
人著樂郊村舍詩稿

寄張秋颿

落日下蘭渚碧雲生暮愁旗亭一揮手春樹幾經秋遠道歌
黃鶴幽期契白鷗遙憐芳草色綠到謝公樓

病起寄林雪巖

谿上茅堂掩寂寥
故人有夢隔雲霄
十千酒負花前約
一半春從病裏消
紅雨無聲苔漠漠
綠陰如水畫迢迢
扁舟空繫柴門外
臥聽潺湲早晚潮

吳

鵬字鑑湖平湖人
著鑑湖詩鈔

許仁杰曰先生好游覽名山水足迹半天下故其詩雄健處直逼盛唐以視郊寒島瘦者大相逕庭

石佛寺東樓晚眺

獨尋巖下路
因上竹閒樓
僧靜不知暑
寺高先得秋
好山都到眼
明月正當頭
何處聞吹篴
隔湖歸釣舟

登華山

落雁峰高俯大荒
西來秋色晚蒼蒼
一丸日照關門紫
萬里沙流弱水黃
足底煙嵐低太白
望中雲樹小咸陽
憑高忽墮思親淚
回首中原雁幾行

王峻明

字克三平湖人
嘗劫餘草

于源字畧克三性沈靜善鼓琴尤耽吟咏為詩
措辭淵雅鍊格精深以其餘力學畫時人珍之

題梅花帳額

雪影亂紛紛明窗曙不分誰憐高士臥詩夢石牀雲

張元吉

字蓉鏡桐鄉諸生
著湖海詩瓢

雙溪詩匯蓉鏡家貧授徒自給酷嗜詩與吳
香圃徐鶴舟相倡和鍊格造句絕似唐人

避亂江村作

亂離何處得安身尚聽雞聲起舞頻滿目瘡痍非昔日幾回
歌哭念斯民昆明莫問沈灰在天寶空傳法曲真誰念江村
風雨際挑燈閒坐白頭人

懷徐鶴舟

但覺雪明樹不知月滿湖乾坤浩然白人在一冰壺極浦艖

聲斷寒皋鶴影孤梅花村畔放高臥憶林逋

蔡熾昌

字蕉琴德清廩貢

杭郡詩三輯蕉琴嘗倡放生會於東城靈芝寺日致生堂活物命以億萬計父歿毀卒

與程丈樂靜坐致生堂

秋日懸庭戶涼颿振高梧愛此僻靜室得與賢者居好生天地心何分墨與儒萬物欣得所吾心亦歡娛階草隨意綠林花淡不孤談詩有老僧寺僧印懷有一卷殊清腴

盧

豐

號芑塘鐔子勤瑄生著芑塘詩草疏越情廬偶吟編

家傳畧公天資高邁得傳家學每作文必就枕少頃即起千言立就精音律工書畫兼金石學晚年染足疾自號半人婦瑄黃東井先生贈詩有犀顛玉面想風姿潦倒今成老畫師眼底煙霞供嘯傲胸中邱壑尚嶽崎之句

憩雲山寺小飲

出郭纔數里攝衣陵峭磴山石犖确閒依微辨行徑疏蹙擦
精藍秋堂冷佛磬村墟收遐矚風泉愜清聽憑闕發長嘯傳
杯飛逸興拓此眼界寬還我心迹定

清明後一日偶成

小齋位置似山家霧葉煙梢四面遮十日蕭條鳩婦雨三年
寂寞鼠姑花青山隱几春生筆弱柳侵窗綠上紗正是蘭亭
修祕歲水邊攜手待晴霞

葉

字易庵慈谿人
著東汀小稿

游孤嶼弔謝康樂

靈境夙所慕十載空往還茲辰復何幸與客同躋攀短僮攜
酒榼弭棹清江灣初疑地偏窄及到知寬閒孤嶼原不孤一
山實兩山紺塔東西矗左右開禪關當年謝康樂來此闢草

昔惜哉晚途謬寵利生憂患報韓慙壯節帝秦誠厚顏乃知
山水樂造物亦見慳讀詩想遺事清淚流餘潛風迴鳥嚶嚶
日淨花斑斑何必昆崙居方可超塵寰

讀 國朝人詩

秦淮渡口舊停橈坐對青山話六朝吟遍桃根與桃葉漁洋
詩法本西樵

施宋齊名果孰優愚山雅志繼前修先生固儒者不當徒以詩人目之 卽將

詩品論高下己是人間第一流

祖宋祧唐論不同竹垞別自擅宗風千秋絕藝誰能繼有客

親關射羿弓事見本集

盛世宏開博學科人材海內費搜羅子虛賦罷無楊意頭白
相如抱恨多

談經近復說西湖史籍前朝徧網羅餘事更將詩律鬪正如
大陸患才多

將軍報國豈無時橫槊何妨更賦詩風雅至今推奉國別裁
偽體在多師

早年名姓動江關窮達姜湯伯仲閒海內共推長句好他山
端合繼遺山

山笛村謠寄慨深魚莊蟹舍日追尋並時杭董沈城皆名輩
不要人人盡賞音

蔣趙聯鑣角兩雄誰從那律證圓通辦香祇下隨園拜此論
千秋恐未公平湖某秀才有拜袁揖趙哭蔣圖依附末光特論殊鄙

送蕭熙圃先生罷官還粵

三年蹤迹困鹽車一騎蕭然賦遂初東海未修循吏傳北山

先築隱君居荒村野店新題句老屋青燈舊著書我亦登龍
門下士燕鴻消息忍教疏

景

雲

字舜卿餘姚人著雪竇集

徐玉序畧雪竇先生妙究六書精窮八法花生兔
穎江令則擬體爾工鼠識豹文終童益治聞無比
景山序畧余弟舜卿生平砥廉隅不妄交接嶽崎
嶄然壁立獨與曹漢雲周誠齋徐崑田嚴欽堯數子稱
莫逆交卒年僅三十二遺詩百五十餘
首以付手民或可備他日采風之選也

秋懷

涼颿激西北白屋秋最早撼撼庭隕葉疎疎階萋草蜻蛚抱
根鳴寒蟬搗枝老仰視天宇闊環顧村墟道寂寥少行客肅
爽變炎昊撫運感自深卽事心如擣何以禦歲寒期無失懷
抱

江雨夕澄霽輕風蕩煩暑日氣團叢竹雲光動遙漱獨步秋

水明顧影相爾汝蘋開龜乍過蓼深燕尋侶晚荷衣初落新
菰米可茹賞心隔同袍暝色猶延佇

夜深開南窗纖月光在手溥溥露下檐輝輝星近牖坐此夕
景清方滋晝營咎遙野鴈呼雲長隄烏宿柳物情有動息人
事多可否安能齊一致懷哉漆園叟

野人不識時蟲鳴知己秋蕭蕭楓葉響沈沈茅屋幽開逕延
巢父殷勤肯少留山杯捧竹根樂飲互相酬醉中執我手爲
我發樵謳直木旣先伐枯條行亦收歡娛甯有待日月嗟何
適再拜謝樵父卽此法前修

陳章侯屈子行吟圖

湛湛江水上有楓江天黯淡雲氣蒙猩猩泣雨猿嘯風潛蛟
起舞波濤洶三閭大夫楚國宗來遷於南心忡忡強羸挾詐

欲翦熊勸王母行王似龔西入武關不復東可憐荆棘章華
宮葦蒹蘭蕙器不同蛾眉謠詠蘭所工駑駘騁路騏驎庸雷
鳴瓦缶毀黃鐘江潭子不悴其容長吟問天天夢夢嗟吾道
離此奇窮已矣卜居魚腹中老蓮當日牢騷胸大招纍魂用
筆鋒渺茫樹杪坐漁翁淒迷寒渚宿莽叢我展此圖弔孤忠
晴軒日色暗不紅蒼茫世代神相通雖欲不悲情肯從歌成
四壁聞飛凍爲我立洗離憂衷

施以梧

原名鳳飛字羽
翹餘姚諸生

游源訪倉曹公墓不獲感賦 并序

公諱宿長興人紹興癸丑進士慶元二年知餘姚官
至淮東倉曹罷歸嘉定十六年年六十避壽至餘姚
士民留之因家焉卒葬于游源山塢

躋攀幾上翠微巔派衍綏州沂始遷舊德乍披嘉泰志遺民
猶說慶元年桐鄉自昔留朱邑薛碣無因剔紫錢日暮空山
蒼靄合獨扶筇竹聽呢鵲

周

書

字克岐號雲屏山人

陳家驥曰雲屏與西湖步武蓬萊西塘峭嶺洩其勁氣雲屏壯闊鬱其鴻茂西塘以五代王建世家論雲屏以詩均見知于吏部賢公其紅葉詩尤佳

次史東湖三角灣韻

古洞昔曾啟春山我得瞻水流三折迅峯起一拳嚴惜別詩
留柱思歸月到檐底憂無佐酒青筍正纖纖

丁炳輝

字汝燦天台諸生

病中遣懷

長晝松陰靜掩關小齋相伴藥爐閒身如病葉初離樹心似

孤雲怕出山清夢幾番吹雨斷羈愁一律借詩刪迎風長簾
拋書坐情話何人許共扳

陳爲霖

號岱雲太平廩生

緝雅堂詩話岱雲詩如續後漢書云黨人已盡知天意不羨申屠保一身題虎圖云半山筆意真超絕我亦從容試拚鬚懷抱不俗此太平詩人也

橫湖舟中

一水碧如染扁舟在畫中人聲桃葉渡春夢柳絲風淺漲欲
浮岸橫橋疑架虹晚來棹歌起載酒泊城東

趙煥文

字堯一號敬齋東陽諸生著晴峯草

家傳畧煥文研性命之精求程朱之奧多所自得其論詩則主蘇子瞻故有真見無俗姿

謁呂東萊先生祠

東萊侶朱張碩學恢鴻源縣縣道不絕落落風彌敦祠宇何

翛然藤蘿蔭修垣步履一瞻拜儀型懍猶存嗟予生苦晚不

及先生門識路在鹿洞

東萊嘗謂知猶識路行猶進步

遠怨遵魯論憶當講

肄初文獻傳中原七葉振來裔

呂氏自文靖至東萊先生凡七世

三珠稱哲

昆先生弟祖儉祖泰並以風節著

柏枝夕逾馥花光春不繁感懷實攸鬱何

日遊其藩

遊烏石洞

高風落庭樹浩然知已秋穿林得縱步緬焉睇層邱宿雨靜
猶滴碎雲寒欲收穹然穴巖岫矯若昂烏頭勝友擅扳陟高
第迅追游一徑走巉壁泉尚涓涓流白雲忽西來當坳濟方
舟乘之渺霄漢款關十二樓仙人不我邀逝景懸西洲遙翩
遵渚鴻近泄眠沙鷗越歸賦媿句聲寄天悠悠

讀白香山集

香山古遺直感激標英風上篤黼座猷下惻茅檐窮斐嵬新
樂府瑣屑吟秦中以職業四民維帝熙百工日月耀氣義雲
霄貫精忠詞卽雅頌殊意乃風騷同慨自古始遙汲汲談和
豐麒麟在郊藪鳳凰鳴岡桐公眞苦心人骯髒呈當躬足堪
訓後賢砥節抒丹衷不爲利祿回確憑正直通云何窮巷士
支離競魚蟲

遊八仙石觀工造瓦壺有作

賦鼎腥甌俱不假煮茶之壺須用瓦五百年鐵千年銅何如
陶土能清灑紫巍山麓其壤黃可治可埴圓而光王來南服
本蠻蠻技進乎道隨柔剛結廬縛繩竹編戶上蓋以茅牆四
堵就中作窟二尺餘設臬擎盤轉如舞偶舉杖履從父來入
仙之石供徘徊眼見曝氣有草屋炊煙碧過垣衣苔往得瓦

壺羅大小不辭暴如天地造夥頤此藝定非常敢請與觀身
手好工乃搏土如搏絲以杖督盤盤爲旋任是慧眼看不定
手從身運人仙陡然虛中渾沌廓不用死槪用活法器奄
以閱頃刻閒活水活火機先發絕無滲漏可閉風六竅窻容
一竅通但圓效天不法地好從妙手觀空空壺成曬以東海
日固知土性頑非石豈止點頭且洞腹竅便於吐口能納壺
窻方丈空然松不似金流剛火鎔播向人間滄煩滯懈眼魚
眼當高春父曰異哉乃有此僚丸孫劍焉足擬要知手敏維
心靈得非凝於神者是吁嗟巧固由熟生詎有習不如性成
吾儒志學無勿可卽希天亦維其精我緣小伎審大道絕好
工夫須及早勿忘勿助到觀成旋轉乾坤用甯了聞茲寓目
覺關心飲湯飲水都惛惛作詩記事聊自砥靜者於以觀其

深

何蜚儀

字孺雲武義諸生

何德潤曰孺雲事母以孝待昆弟以和居鄉恂恂恭謹嘗修濬宋楊俊卿所築南湖堰以興水利道光中邑令金雲門每造其廬手書有道先生四字贈之年八十餘飲酒賦詩無倦色蓋其得天厚也

小溪觀魚

敲岸小桃紅晴灘垂柳綠游魚兩三頭跳過答簪曲

夏呈圖

字洛泉青田拔貢官桐鄉教諭

緝雅堂詩話青田有端木先生為一邑冠冕沾溉日眾人才漸多洛泉工詩五言尤佳如春盡酒人病雪晴征雁稀夢醒花片落情阻柳絲長題詩都在竹倚石可

能琴家遠書多滯花深畫更難風致自佳斐然可誦

美人橫素琴榻坐芭蕉陰待月快良覲調絃攄古心澄懷宵
寂寂真契德悄悄童子垂頭睡秋聲吹滿林

訪曹山人隱居

一路春陰直到門桃花深處自成村去年酒庫添新釀琴罷

同君子細論

徐受荃

字楚香鄞人嘉慶丁卯舉人官直隸永定河道

童槐傳略楚香任充沂曹濟道所屬兩廳河工歲霽白金二十餘萬裁節浮費歷八年省官帑無算曹州人甄恆升以教匪被誣巡撫欲置之重辟楚香再四研訊得不死人皆稱之

任烈婦者姓周氏奉化人也年十七歸鄞任嘉湖為室

嘉湖病目幾失明烈婦謹事之朝夕祈禱目遂復明

居歲餘夫及舅姑相繼歿族人欲奪其志陰通媒氏

將遣之烈婦從容服溷死年僅十九詩以紀之

有兒守志安無兒奪志苦誰知寸莖力能死卽千古烈哉任

家婦十七拜姑舅姑曰新婦來爾壻喪明久吾病何能為申

外汝擔負婦聽恬不驚新妝換布荆倚之若兒女郎恃如弟
兄蒙蒙雙瞳子一旦還光明奈何天不閔風雪成奇窘姑死
翁繼逝所天悲又殞婦乃忍死言兩載嬪任門曾未延一綫
何以奠先魂願借期功力爲妾補兒息薄田生守茲身後兒
終得彼婦爲臬鵠甯甯別有思妾在兒嗣耳妾去母濼之誘
我以鳩媒妾心死如灰灰死不復暖鵠意安肯回潛聞嫁有
日機事藏猶密變幻恐須與垂淚別寢室妾嗟郎可聽呼郎
杳不磨抱此堅貞志一死力能勝晶鹽白如霜挹其瀨而嘗
卓哉節與烈今古留芬芳

方廷珮

字鐵珊石門人嘉慶戊辰順
天舉人官直隸平谷知縣

汪福椿曰先生爲雪屏先生孫蘭坻先生子先世以能
詩善畫著名於時尤喜收藏金石先生博聞好古能世
其學由優貢登賢書知平谷縣以廉明稱歿
於官貧不能歸擬清風亮節鄉人交頌之

題談細卿女史花韻聯吟圖

楓葉離亭路江皋解佩時相期千載後復見兩瓊枝并擅無
雙譽同賡絕妙詞菲才慚孝穆敢序玉臺詩

林培厚

字輝山號敏齋瑞安人嘉慶戊辰進士官湖北督糧道著寶香山館詩文草

潘世恩序畧敏齋為余甲子典試所得士自為諸生以多識聞及入詞垣館課及經進文字一時傳誦分校春秋闡各一所得盡知名士以京察一等出守重慶移天津分巡大順廣督糧湖北所至不濫刑不妄取不留贖愛士恤民頌聲交作至於禁匪治盜振埃濟渠河工之險要漕運之機宜凡關國計民生瀝灑數千言上書大府下令屬吏立可見之施行興除利弊屢舉最上方嚮用之遽卒於通州舟次不得竟其施命矣夫

枯蒼道中口號

破睡待侵晨樓樓道路身山留將落月犬吠早行人久客渾
疑夢殘年漸入春黑貂裘未做莫漫笑蘇秦

同董眉伯端木鶴田法源寺看花

曉衢淨塵塏天光清我心側寒閉關坐那知春氣深言從招
提遊聯騎盍朋簪莊嚴法界啟冥緬梵音沈老僧不憚客淨
境從追尋好風惠然來吹入薈蔔林丁香乍解結海棠未成
陰天女垂瓔珞一笑開素襟妙香靜浮慮幽豔嬉仙禽解衣
踞文石支頤託微吟憶昔廉右丞結廬對西岑種花不求媚
高節良所欽又聞張氏居奇幹鬱樛樛名園幾易主塵劫誰
能任嗟余抱花癖耽嗜如書淫流眄煙霧姿竚想環珮音頗
欲買十畝花時撫鳴琴結願三十載蹉跎還至今翻羨梵王
宮新樣環層琳美人惜遲暮歲月行駸駸不如擁歸轡斗酒
相與斟

雞頭關歌

高天誅蕩開九闔陽鳥翔翥扶朝暎玉雞失曉帝震怒雷奔
劈首投山根厥族陳寶伺帝醉私乞巫陽下招魂俯飲清泉
呀白石雄冠高幘昂其元當關怒睨扼天險熊羆橫臥虎豹
蹲草間狐兔走伏匿爭雄那許齊客喧憶昔妖氛煽秦隴鴟
張豕突蜂蟻屯殺人如草滿巖谷天青日白黃塵昏茲關雄
險踞絕頂扼吭奚啻瓴水翻旁空襲斜阻漢沔分張爪距環
籬樊縱有喑鳴撼山岳對此岬嶂聲還吞益州碧雞濫廟食
遺迹荒誕何足論我行過此秋已暮寒雲漠漠嘯哀猿危崖
仄徑但容足一綫紆折修蛇蟠勒銘無能學張載叱馭焉敢
希王尊僕夫况瘁輿夫喘賴有縲索相扳援卻從地底出天
半豁然城郭開郊原暮靄蒼蒼四圍合仰視玉衡挂城垣回
思絕險心膽悸急呼茅柴倒瓦盆爲語時平弗守固竭來窗

下談元言

出棧宿襄城縣

磴轉疑無路山開別有天棧雲飛作雨溪水漾成煙瘦馬巖
關外寒猿古樹巔漸聞喧鳥雀多少上腴田

再遊武昌西山晚過寒溪寺觀明張琦歷代祖師圖歸
訪元次山窠樽

去年入山春雨餘嵐光潑翠侵襟裾今來山靈知故吾揖客
不遣移文驅雲日澹蕩好風俱蒼藤古木交縈紆石磴九折
勞筍輿道逢腰笏何易于蘭肴芍醬羅山廚媵以繡項樊溪
魚主賓歡洽解窘拘酒酣脫帽歌吳歛松籟響咎吹笙竽山
中白雲相與娛起滅變幻團絮如恐有元鶴翔紫虛玉蘭十
丈含苞初羯鼓催之不肯舒卻笑野梅絕代姝當年枉識眉

山蘇寒溪冰雪古所緒繞寺環植柳與榆壁閒題詠紛璣珠

阿誰手寫付詩奴太守才筆追徐庾

壁懸商寶意太守四律尤佳

醉眼眩

視空模糊欲歸不歸日已晡山僧勸我留須臾煮茗出示傳

鐙圖錦贖百幅雲霞鋪衣被杖拂巾鉢孟祖肩豎指微有鬚

或天人相或賈胡就中大半山澤癯亦有圓滿清而腴執持

貝葉跌團蒲微聞梵唄聲于喁傳神阿堵一一殊畫手得非

松雪徒

子昂有歷代祖師圖

孫鄧以下難仿摹作此狡獪胡為乎夕陽

暉暉瞑鳥呼主人送客立路隅揮手下山不用扶得意詠歸

如舞雩興闌且復立踟躕為訪漫叟紅荷湖窰樽石曰留形

模舖糟啜醢狎鷗鳧真意澹樸今所無嗚呼真意澹樸今所

無

江行阻風

縱陽有老蛟幽窟潛不見掀舞弄狡獪風濤爲之變奔鯨助
 跋扈距躍出波面遂令萬斛舟團團磨蟻旋寸進退輒尺百
 丈無由牽頗如蠶作繭吐絲還自纏旁睨上水船滿張搯盪
 扇篙師牢把舵勁弩激長箭我非桑下僧三宿亦何戀晨起
 視旗腳依舊西南轉沙鷗與估客朝夕慣相見小住良自佳
 久淹毋乃倦篷窗未成寐悶把書一卷驚濤忽擊岸頭目苦
 昏眩空船照明月坐待澄素練無事且痛飲行廚少精饌所
 喜鯨魚肥不起臨淵羨卻憶去年時風力假清便連艘下瓜
 步破浪珠璣濺大聲呼渡河詎忱他人先茲行何濡滯恐遭
 後期譴安得荆飲飛快斫七星劔反風隨鴻毛雲帆飛片片

裕

賁

字乙垣號八橋杭州駐防嘉慶戊寅舉人官禮部員外郎

柳營詩傳八橋幼慧讀書過目成誦有神童之目善棋精醫理臨歿命侍者以生平著作盡納於棺亦是吾廬

詩蕉竹山房詞各一卷得之瑞文端公家其副本也

題孫琴西太僕梅花詩思圖

錢塘門外孤山路我亦曾經幾度探行到斷橋詩未就輪君

清思滿吟齋

沈德軫字星槎海甯人嘉慶戊寅舉人著一席齋詩存

許莊祥曰星槎丈為蘋濱先生猶子先季父農部公同年生也循謹謙約與人無忤好讀書年八十手不釋卷詩宗少陵不同凡響

春日寫心

耆舊風流盡光陰電謝如因人不能熱垂老未拋書呼僕類

鉏草留賓自刈蔬破愁無過酒陶令好閒居

羅耆勳號蓮洲山陰人嘉慶己卯進士官河南延津知縣著二思堂詩稿

家傳畧公宰延津遇大疫禱於神願以身代未幾果歿祀名宦

秦望山觀海

山色秀東南會稽尤佳麗崇阿聳雲端峭壁撐空際巍峩秦
望山獨出霄漢間眾山盡一覽萬壑相同環頗復憶祖龍並
海勤遠畧李斯揮大筆功德記炳爍斷碣今尙存烏篆已剝
落東望縱大觀巨海何漫漫日出盪紅旭風迴生紫淵蜃樓
曉霧溼貝闕春潮寒舳艫一葉小眼界千里寬爲吟觀海篇
復作登高賦夕陽忽西下晚煙生遠樹安得驅山鐸滄溟快
飛渡

經三山尋放翁故宅

偶來放棹白雲鄉柳暗花明鑑水旁惆悵劔南詩客去落花
芳草滿龜堂

領袖風騷一代名渭南佳詠壓蠡城而今重過湖桑棗古樹

樓鴉尙有情

樓金字六一錢

偕王瓣雲登馬鞍山

空山闕無人巖花自開落冷冷張玉琴泉流出幽壑對此洗
塵濁至味歸澹泊達人本知幾君子貴處約吾慕榮啟期一

生常帶索

屠

彝

字寶銘號白巖傳子錢

陳來泰序畧寶銘穎悟絕人詩緝密不如乃兄修伯而
蕉萃婉篤之致則過之惜不永卒年僅三十有六
楊振鎬曰白巖為琴鳴太守第三子能承家學年十二
作山水小景題二絕句於上太守稱其清麗可喜一時
名流和者甚多太守亦有詩云船頭幾處挂蓑衣打槳
招呼過別溪愁煞今年秋雨大深林盡日鷓鴣啼
暖暖起孤煙策杖誰行下濕田祗
恐塵寰無此福全家雞犬白雲邊

題自畫山水小景

遠山蒼翠欲沾衣三兩漁舟散碧溪堤外垂楊無意綠忽聽

格磔水邊嘯

數家村落隱炊煙獨坐南窗看水田隔岸有人牽犢至渡船

先泊小橋邊

沈志香

字葉書錢塘人

榜園銷夏錄沈生作客淮陰嘗謂余靈芬館問詩因以所選全唐詩及宋詩鈔令其鈔錄尋繹一年以後所詣

日進此絕塵之姿也

書陳後山詩後

宋派紛紛起先生冰雪姿一裘不能污大節是吾師貧賤原

非病清嚴稱此詩欲為寒餓者先學閉門時

孫輔元

字備之號尋雲仰曾子仁和附貢

丁丙曰備之家富縹緲兼精翰墨規樵香光窺見堂與嘗取東坡石蒼舒醉墨堂詩意備石門方蘭坻薰作小

影山舟學士弁原詩於其端稱備之於書畫有獨嗜沈酣楮墨如飲美醞真心醉於墨者也

山莊雜興

雨過生微涼
悄然庭宇靜
檐眉夕照明
一塔懸倒影
晚蜨抱花鬚
枯蠟黏柳瘦
卷幔讀黃庭
風細鑪香冷
門無剝啄聲
獨共流鶯語
粉籜補疏籬
綠苔沈斷礎
寒牖冷雲來
鐘聲渺何許
偶與寄濠梁
垂綸俯清渚

景

謙

字福泉號鷺農江錦子仁和恩貢官至湖南布政使

杭郡詩績勳鸞農工詞翰精賞鑒性剛直與人交知無不言厚待戚黨貧者必應故家無餘貲

張螺山司馬蘆吟草題詞

十載游蹤草草過
奚囊收拾未蹉跎
人如平子神情澹
詩讀遺山涕淚多
地福不堪長袖舞
情深定有阿千歌
咀華留得餘甘在
勝似花閒醉叵羅

為陳芝桴方伯畫南屏曉游圖賸之以詩即次方伯蘇

公祠用蘇詩游孤山韻

山前寺寺外湖煙雲作態乍有無晨鐘警省四山曉應若慧
 日居高呼我公獨往不攜孥盡屏徒御耽清娛中流放權任
 所適循入紫翠矜威紆到此面目知真廬為屏為翰兩不孤
 名臣卦字計行在南屏有溫公書鐵畫莫漫方新蒲新蒲似
 日玉溪與來續筆雄千夫要使觀者忘朝晡東坡不看李成
 生句畫鄭俠還寫流民圖公詩有仰屋愁聽庚癸呼之句蓋客歲
 甚多情深發自吟嘯餘湖山筦領傲几蓮數峰容易償先

逋名高百尺我難摹

孫儀字桐岡士毅從子仁和人
 廕生官雲南石屏知州

秋晚登祖徧山

碧天一無翳憑眺意蒼茫遠水澹秋色空山惟夕陽蟬聲穿
樹急雁影逐雲忙萬里蠻疆靜無煩跨草囊

周光緯

字孟昭仁和人候選
主事著紅蕉館詩鈔

冷泉亭

一峯尊崔巍萬壑奔瀕洞攬勝得指歸乃能攝其總偉哉此
奇觀巖陰一亭拱其上高林張向後崖石擁一澗橫截之澎
湃若濤涌冰雪時霏微蛟龍盡騰踊石稜齧四圍泉穴出百
孔沿流下羣峯徒見水濛瀦茲亭峙其閒有若砥柱重公然
據要津山林實專寵眺覽甫移時變態不一種疾若屋建瓴
快若尻脫補拳石露瘦頑又如木擁腫流折隨方圓山肩忽
孤聳幽峭或深藏如刀入鞞琤潺潺訝疆呿汎汎驚駕屐未
秋已生寒澹對合神竦淨綠毛髮侵碎紫日華動我遊雖云

倦猶足買餘勇山僧瀹茶來暫此息煩冗

遊瞿氏網師園

名勝傳聞舊芳園說網師繡衣行樂處側帽獨來時地尙稱
歌舞人今易履綦杏花紅亦老尙見出牆枝

山塘汎舟至白公祠作

春水演晴川中流擊雙槳層巒虎氣銷一塔夕陽晃聒耳管
絃繁清歌遏雲上風絲曳楊柳澹與綠波蕩移船向樹陰一
徑平如掌香山太守祠瓣香特瞻仰此邦公所治流風尙可
想文章壽千秋光燄燭萬文誰言老嫗解或是忠言讜少陵
發先聲東坡接遺響流派雖未同壇坫各爭長兩代三詩人
一堂合禋享我來百世下展拜獨神往行行重回首日暮氣
蒼莽預約桂香時更試屐一綑

徐

鼎

字聖植號松蒼亦號杉泉以恒孫仁和人官江南南雁知縣著後集

俞樾傳署公以縣丞分發南河遷山陽台邑故多盜公行保甲法捕治盡絕陶文毅公賢之調任上元理繁治劇如行無事案無留牘獄無滯囚以其暇應接賓僚倡導風雅旋調南雁其地素稱法壞公悉以所入加書院之膏火助善堂之經費去官日多累員鬻田不足以償并圖繪書畫醫之可謂身處脂膏不能自潤矣

余在南雁官齋自製快雪時晴墨矧交爭索輒賦短章

手炙松肪題快雪毫端謾謾濤猶滴與梅未肯遽輸香知白

如何教守黑臨池欲寄故人書佳想不安抵斛珠儻與團茶

鬪風味好留餘汁在金壺

沈維樹

字子逸又字玉遮海甯人著無盡藏扶疎閣等集

許淮祥曰玉遮先生收藏書畫圖籍皆精品喜吟詠詩旨雋雅尤工繪事

兔牀先生為朗上人作西林庵第二圖為書卷尾

東來只一葦寂處但方丈要令淨域中解脫諸幻象精藍宅

陂澈波光日演漾風過無留痕瑟瑟搖蕪蔣
 柳挂魚網有時煙暝初雪墮鷗兩兩青山
 粿粉本妙天然寓目愛疎爽阿師拄錫久
 契靈素藥竈春融益利濟證無礙誰復嬰
 痾癢溪居隔野橋意到輒孤往花霧染衣
 濃碁聲雜泉響香飯餐伊蒲白粳檢
 榆欏歸路一磬微不知夜潮長佛鐙紅墮
 水漸看溪月上我友今隱倫健筆寫蒼莽
 是卷尤清遠珠林恣奇賞樓閣現俄頃
 華嚴納諸掌似聞般若品普絕意識想乞
 詩偶展讀沁心瀧與沆祇樹認前因招提
 記佛仿挂單緣未了那能懣塵鞅
 擲筆萬慮澄妙香襲書幌

西洋畫詩

鯁生眼界窘郊垆那得遼廓遊蓬瀛粵稽墳
 史蒐八紘信疑

參互心怛怛夙聞大小瑣里名亞細亞洲巴鸞城僧伽柯枝
寶藏盈西洋古里勢兼并七奇圖說大誇矜木星臺墓讐彼
氓坤輿西極來東溟一十萬里遙計程繪事荒渺何所憑破
閒消寂姑品評荒外儂巧窮杳冥象物刻意諸番精拗造粉
本摹苔藤織奪繭絲牛毛縈摸胡但覺煙靄凝諦視不禁雙
目瞳玻璃裁月光晶瑩橫覆鏡面鏡忽靈規取倒影空中呈
豁然開拓天宇清濤頭壁立海若驚峩舸大艣風葉輕飽帆
逆走波有聲泐泐翻騰魚尾頰有須彌盧山嶠嶸綠樹遮天
天晝暝疑雨疑夜疑陰晴歛忽閒已寒煥更亦有小水環蘆
汀山色濃淡墟煙青雁齒略約橫庚庚槩牙翦波搖紅鈴文
闌方勝宜醉凭頗訝拍拍飛交鵲蒙戎遠色生蕪菁尖壠方
罽耕夫耕瞥又霧閣雲窗迎門千戶萬結搆成花繚藻櫺連

飛蜚莊嚴氣象疇經營似率堵波四角撐是何殿角侈以闔
駕車有馬驪駟跳浪於菟走麀麋沙風卷石吹霓旌獵火
飛礮雷車轟區別隊伍誰使令紛紅駮綠呼欲騰叱叱老穉
畧辨形鬢然黃髮閃綠睛長身植鰭舉足躡結東不識鞞與
鞞帛衣彭亨首綴瓔於彼何童尹避邢雜前樂器喧鼓鉦縣
鉞刻漏鐘自鳴睢盱卻扇側首聆似絮絮語聲咿嚶花開欲
香石起稜樓臺突出紙不平須彌納芥幻象生技追棘猴楮
葉能迫而觀之何瓏瓏虛涵遠影雲層層鏡中之樓如可登
鏡外依然小楸枰龍眠界畫無此精鄒衍哆口啗不爭弔詭
足補西方經倦眼忽變離朱明彼於裊海一青萍鞠臆邪蘇
咒詈謫向風懷德瞻

堯廷梯山航海入貢頻車渠爲椀翡翠屏紅撒花罽膜拜承

帝德無外寰海甯化及牒幹兼奇肱閱其重譯量其誠許其
市易寬其征八荒亭毒歌再賡島夷卉服皆來庭

移家

近市溪南勝欣然便結茅隱偕鷗鷺伴夢穩水雲坳自哂將
歸客真成不繫匏敝廬煩料檢所賴有窮交
數載長洲苑平生下澤車人猶嫌僻壤我獨愛蓬廬偶補敲
窗竹纒安插架書單研餘結習此外已全疎
聚散誠難卜諸君共一溪敢分牀上下暑隔灑東西樹影交
檐重嵐光闕戶低眼中威鳳少凡鳥不須題

朱轍之 字少頰海甯歲貢

題錢警石先生冷齋勘書圖

衙齋鎮日掩重關卷裏丹黃有校刪與我殷勤當世少讀書

消受此生閒才名不媿雙丁譽簡冊應推二酉山自分烏焉
多誤寫披圖相對轉慙顏

徐

臻字茂堂號意園海
甯人著敝帚集

草堂夕詠

松櫺夕露清蘇砌萬蛩冷芳池漾華月寫此晚花影此時且
趺坐心比境更靜悠悠百年速擾擾同鼃鼃堪笑名利場侈
言慕箕穎良宵美風月輸與畸人領

與友人閒話

與子低回今古情夜長燭炮話平生文章死後無窮達名字
生前有重輕往事牀頭孤劍在閒心江上一舟橫丹楓黃菊
垂垂老惆悵鄉關夢屢驚

葛

嵩字春嶼
嘉興人

耐冷譚春興善說經詩亦成家而隨作隨棄不自收拾
沒後其女接別殘牘與夫婿宋秋樵參寫互警得詩二
卷署曰晚晴閣
詩刊而傳之

靈隱寺遇李金闕

勝地逢知己同參蒲褐禪新篁萬竿綠清磬一聲圓
蜥蜴春雷動樓臺海日懸撥雲歸路晚山色更蒼然

樊鍾岳

字補之秀水人著壺山堂藏稿

靈芬館詩話補之隱於市而恂恂有退讓君子風詩諧
適和雅如其為人其寄人云投老睡然唯好靜活人多
矣豈沽名小立云晚風高樹時顛鶴細雨開階又落花
帆影云平移曉日三竿出暗翦吳淞半幅來又如窗外
小梅如靜女階前新筍是奇男歸尋籬下無多種親向
霜中揀數枝皆自然合作哭袁某落句云收得白頭鐘
下淚算兒仍客在他鄉尤為沈痛君既精於詩後
僑居金闕一時賢士大夫咸樂與之游詩什尤富

靈巖懷古

勝蹟千秋著吳宮何處尋亭臺餘廢苑麋鹿出荒林香徑青

苔冷空廊落葉深浣紗人去後遺恨到於今

陪孫古杉夫子貫中屠怡白先生士杰訪黃西齋本中

溪口

偶隨吟杖過溪亭剝啄林閒戶尙扇草露細黏芒屨溼瓜腔
新蔓竹籬青何人占此煙霞窟是處疑開水墨屏記得五湖
歸棹後花前還約醉銀餅

汪應鈴字洽臣秀水人官直隸交

特旨考職取二等以吏目注選尋發直隸補滄州吏目游升

屏迹旋以公事被議去官士民攀轅者相屬於道
王以銜序畧表兄在魯石循吏也亦詩人也其詩
不必劇目休心而風雅之意颯颯移人洵可傳也

防汛雜詩

感人最是雍門彈萬事浮雲應達觀乞隱鏡湖思賀監失傳

鴻寶問劉安消磨壯志書千卷
培養元神藥一丸不逐紅塵
唯靜坐汗猶如雨溼中單

琴中妙趣在無絃一落聲聞便俗緣
坦率何妨成宋五滯留
遂使老馮顛人如下阪追風駿
我是登灘逆水船已到濫竿
三百數先生何必更求全

清河渺渺白雲迷來去檣竿半隱隄
架竹澆花淘古井牽蘿
補屋壓新泥謀生願得柑千樹
易俗教栽韭一畦三伏將過
秋又近壁閒唧唧是莎雞

元龍豪氣豈非與百尺樓頭不棄余
上馬始知精力減看經
漸與世緣疎一庭花草隨時植
幾簇人家傍水居日抵年長
唯有睡不離左右是籬條

聞見拘墟守舊蹊吟詩往往苦無題
世人爭羨乘軒鶴我輩

當如俞座黎一枕遊仙紅瑪瑙三杯樂聖碧玻璃五陵同學
休相勸落拓甘爲斷尾雞

胡文蔚 字懋裁號樓園海鹽歲貢

舟行

輕舟遵枉渚蕭瑟滿林塘斜日蘆花白西風榭葉黃遠山寒
漠漠平水鬱蒼蒼過眼成清景浮家意不忘

劉夢熊 字亦漁平湖廩生著環翠軒詩草

送春

客中人送春送春春不顧明年東風來知我客何處置酒錦
前除餞春賦新句留取荼蘼花莫再隨春去

同許德水登弄珠樓有懷陸竹泉趙朵山

孤棹搖空碧湖雲溼不流人煙生木杪鄉思滿汀洲飄影隔

遙浦蟬聲咽別愁相思不相見悵望一登樓

張

誥字士哥號耕洲平

朱為弼曰先生詩本家傳又得師友之助與弟熙何春
農兩先生聯吟咏時望歸之篤朋舊誼不渝然諾不
辭勞怨不設城府作詩直抒性真出入東坡劍南
自成一家四十後卜築山莊日借同志觴詠忘倦

謁忠獻公祠

吾族分源遠詒謀肇魏公兩朝居重任半壁倚孤忠窳窳衡

山麓

公墓在湖南甯鄉縣

蒸嘗鶴水東

祠在葦葭園

十傳昭穆列一體豆籩

同

祠中配食四人公長子右文殿修撰南軒宣公五世孫宋
淮陽節度判官德夫公七世孫元青陽令元光公十世孫

明處士
靜庵公

冬日趙舍人

懷玉

過訪

逃名已有年何自達江左北風號前溪忽繫五湖舸才華蚤
知君邂逅偏適我深感巨源情能容叔夜情笑指中庭梅曉

來開一朵臭味與君同衝寒香亦頗舉杯對晚照漸見向西
隨揮手從此辭酒醒愁無那

歲暮得鄂巖比部書卻寄

老病復離居蕭蕭兩鬢疎故人何限意殘歲數行書風雪迷
寒渡松篁長傲廬一鐙誰與共落日渺愁予

九日憶希和

涼雲漠漠雁南飛憶弟天涯尙未歸千里關河書斷絕三秋
風雨夢依稀疎籬晚節猶存菊異地初寒孰寄衣今日登高
倍惆悵重將別淚灑斜暉

胡駿烈

字銘常號芝榻石門諸
生著花南書屋吟稿

送沈希孟表兄赴黔陽學署

知己平生少那堪此送行計程千里遠無累一身輕灞岸秋

波闊湘江夜月清
驅歌聽未已南望寄書情

訪吳水邨孝廉

雨久喜初晴南泉信步行
來看種花處只聽讀書聲
竹木有閒意水雲無俗情
十年不到此款洽話平生
偶來水邨宅鈔得板橋詩
泉石獨敦古衣冠不入時
著書鍵戶久倚杖出山遲
季子遺風在先賢應屬誰

秋燕

一年經得幾蹉跎
燕燕于飛社又過
蓋世炎涼知己少
大江南北閱人多
風其吹汝將歸矣
秋以爲期奈別何
故壘不緣貧富改
差池猶戀舊巢窠

錢塘懷古

西風一騎路茫茫
回首中原草木荒
丞相祇知忠女直
君王

原是戀錢塘
冤成黑獄千秋恨
名與青山萬古香
天為英雄新面目
不須重見郭汾陽

吳

英 字青巖 桐鄉諸生 箬聽雪居 偶吟

雉子班

青青者麥泄泄者桑
野雉相逐雄雌成行
或飲或啄載翔載
翔鸚鵡見繫孔雀遭戕
願言斂退慎自保藏
毋雠於鼎毋嗅於梁
鴻飛冥冥山高水長

題秋林覓句圖

散步入空林
疎爽豁襟抱
良禽出幽谷
微雲淡蒼昊
泉流隔樹鳴
藤古緣枝繞
涼風颯然來
落葉無人埽
草木本無情
經秋亦枯槁
何況幽憂者
那得不速老
儼將謝塵凡
榮名焉足保
落日扶筇歸
雋句接郊島

盧雲飛

字九程號秋漁
址孫郵增生

王烈女歌

虛名不足愛小信不足責志士溝壑忘能無愧巾幗君不問
赤城王淑姑大義融徹志不易以身殉節死如歸精誠直達
沮金石吁嗟王淑姑往事可詳覈身許李家子遊宦未來逆
季父在金陵金陵重種壁一男誤兩聘一女肯兩適母天不
諒旋返幣侑幣金環求不獲淑姑潛祕用約指染血成詩字
成碧甯爲玉碎毋瓦全古井盟心甘一擲生不能從死則休
至性動人爲載祐祐所經處泣鬼神乾坤欲洗塵氛積吁嗟
王淑姑懷履何清白愧非輜軒使望風徒悼惜君不聞割鼻
苦心若冰檠斷臂堅操等松柏悠悠曠世忽相感入地貞魂
今視昔吁嗟何時立石穹窿表此井使彼城狐社鼠見之皆

鮫迹

趙

鏞

字鼎成號省園會稽人著省園詩鈔

陶潛宣曰君家擅池亭林木之勝在郡城東南曰省園
蔣藏園任處泉兩先生時相遇從各為文記之君喜吟
詩好客鷗社諸詩老恆集於此君常為主人歿未久園
綴於火今廢圯盡矣古木佳石尚資選勝數年往遊見
藏園題句猶在敗壁閒予題省園三絕有欲識當年
詠地頽垣猶贖蔣卿詩句君詩稿皆佚僅存省園雜詠

卷一

柳磯

羊裘何必富春江且向垂楊理釣砭一笠風花橫短笛半竿
煙雨繫輕艘濃陰匝地流鶯亂淺水無痕白鷺雙醉臥蒼苔
歸去晚微涼先已透疏窗

秀野亭

霜後疏林葉漸凋遠山一角落人衣款門遊客看新菊攜榼

鄰翁話夕暉一帶松篁籬外路幾叢蘿薜淵邊磯少陵伐木
憑辛秀又見前村荷擔歸

省園續詠二十四首 錄二

石梁

緣澗入松徑行到雲深處石橋鎖翠苔白鶴自來去

宛轉巖

拾給上層巖巖中何屈曲洞口白雲稀苔痕繡古綠

邬熊卜

號素菴甯海人
著素菴吟稿

任宗延序畧素菴之詩工於言情其與陳
在出諸人聯吟疊唱意思排惻時露言外
王起霞曰先生生平無他嗜蒔花種竹外雅
耽吟詠隨作隨棄所存什一類爽朗可讀

游長山寺

層峯行盡入巖扉石上莓苔染客衣雲淨海天諸島出雨晴

山郭亂花飛采樵歌過驚林鳥沽酒人回帶夕暉聞說支公
能養鶴我來聽法欲忘機

答周增孝先生

別歲云暮相思路渺漫榻懸徐穉晚句琢孟郊寒世事無
心問江濤入夢安小山招隱賦未敢把魚竿

王起霞

號磊亭
甯海人

王乘千序畧磊亭務植節而不自立崖岸能知人而不
輕於臧否勇於見義一諾必踐慎於取與一介不苟蓋
篤行士也

漫興

無計南歸可奈何花朝況逐眼前過經年酒量隨詩減二月
春愁抵雨多秦女簫聲今寂寞岐陽山色舊嵯峨不知芳草
城東路湖上誰人放棹歌

鮑成宗

字維城一字雲石瑞安諸生箸雲石山房詩集

項芳藹傳畧雲石先生博涉經史治左氏春秋尤工詩曹先生應樞與友善贈以詩云君才似我貧如洗祗得行歌出蓬萊富貴雲煙空眼底作官但願作御史論古惟論遊俠士得非人間奇男子讀此詩可見其為人矣

所箸有春秋管見

積穀亭晚眺

危亭一騁望暝色起松關積雨生新水歸雲補亂山烏嘯喬木外僧語夕陽閒相對無賓主長歌理策還

書周逸民先生真臘風土記後

重臣龍節出燕都賓從雍容一魯儒寸管風雲寰宇記九州山水職方圖巴渝草檄看司馬桂海成書憶石湖料得文章動蠻貊大蘇家世未全無

兩浙輶軒續錄補遺卷四